

嘉慶直隸太倉州志

直隸太倉州志卷三十四

人物

孝義

三

崇明縣

宋

李重發性孝隱居姚剗沙自甘淡泊供母甚豐其詩有
云奉母廿疏食呼兒讀古書母歿廬墓註孝經行世壽
八十有四祀鄉賢

元

陳真孫其先鹽城人父起龍爲州同知秩滿家焉少好
學長于詩文所交皆知名士延祐六年謁京師舟次東

昌周家店橋聞新店河溢溺者三四百家真孫傾囊買舟救援仍市米作糜以食之全活二千一百有五人一時名公如陵陽貢荃會稽袁通長沙馮子振並爲詩文美之

明

黃望字彥齋父戍鎮南每以失養抱恨時尙幼往省之跋涉山川觸冒嵐瘴幾死者再不少阻時人難之趙以禮字文中洪武二十三年海水泛溢大飢以禮赴闕請賑當事欲阻之乃正色對曰民者邦之本也我何私焉既請于上上以爲賢擢工部主事

龔璡字主敬事父母能先意承志修灑之養必期如意

陳禧字伯涯富而無子以族兄鑑子昆爲後凡親黨有
缺乏者輒濟之或語之曰伯道無兒彼蒼不祐善人乎
禧曰姪猶子也此意古人知之耳後昆亦樂施與人以
爲克家

樊沂字希曾嘉靖年間條陳本縣便民十事當道節採
之如馬糧鹽鈔皆于秋糧內折徵民感其德時又有楊
應魁諸生邑舊有支應里長收銀櫃頭兩役當者輒破
家應魁控于行臺裁革之

王宰性好施與有貸不能償者輒毀券族弟幼孤撫教
成立無異同胞與彭謐朱慤俱爲鄉里所推重後皆享
年八十餘與鄉飲賓

戴惠嘉靖中人性篤實好義歷與鄉飲巡撫陳祥旌其
閭

樊鑰字時啟嘉靖二十七年歲貢生母早世與弟鏞事
繼母以孝稱授虞城令清謹著聞卒于官

王應麟字正伯嘉靖間總兵應麟本名將屢克倭寇嘗
援浙土人爲立報功祠後罷官居家事繼母無異嫡母
遺貲頗裕悉與異母弟戚黨有匱乏者周之無吝色及
歿笥無餘帛

包奇秀性好義教養孤姪俾之成立精醫術遇貧者施
藥療之友人梁澤奇貸奇秀八十餘金梁之孤欲償以
宅奇秀設奠焚券聞者義之姊夫翟欽坐贓繫獄奇秀

爲之代納嘉靖四十四年輸邊餉授七品散官
施大綸邑諸生淳朴好善郡守蔡曾召問民隱條對懇
切曾嘉賞之後與鄉飲年七十有四

施大綱邑諸生嘉靖二十三年旱荒大綱爲粥以賑瘞
骸還券人多德之後遭倭變僑居太倉條陳防禦十策
兵備道任環熊桴胥嘉納焉

倪可近字克宗甫八歲母病卒痛哭絕而復甦者再父
跋飲食坐卧必躬自扶持父忘其病隆慶間捐穀濟貧
不遺餘貲子志英志旦俱諸生亦以孝聞

朱繼賢父璧雙瞽扶相惟謹甘旨不以貧廢後父病嘔
剗股食之乃愈年八十一終

林一彥字國章庠生入太學少孤性孝母歿刻木肖像奉如生巡按某以孺慕終身額給之

施仁伯樂善好施嘉靖十四年水災閉糴仁伯請以已粟貸民署州判唐朝宗申請給善人匾萬曆元年與鄉飲給冠帶年八十餘同時有張文龍盛世高張律皆以高年有善行得與鄉飲給冠帶

沈可成字慕萱樂善好施南洪病涉捐貲造減渡橋同時蔡彥陞字順怡有拾遺還券之事知縣嘉其行皆舉鄉飲

施泰然字明卿性端慤父亡有後母弟二人年尚幼泰然友愛篤摯家財一無所私潮災游飢請出倉穀萬斛

以賑復捐穀充倉縣庫失火又佐銀千兩有司旌曰尚義之門

管恒義字宜甫萬曆間人年十四會母陳氏病刲股調羹以進後父遭危疾仍刲股療之迨父母亡時撫其傷痕流涕竟日

倪懋中字叔本邑諸生與貢生陸奇德友善奇德被讒陷獄懋中不避仇怨走白諸司冤得雪而家爲之破人咸高其義後舉鄉飲年八十有三

張元敏字南郊歲貢生持躬接物必誠必謹家不甚豐而好施與待以舉火者數十家里黨爭執細故一言剖釋有彦方之望北闕外中津濟渡處寬數十丈厲揭往

來輒淹沒因爲厲元敏捐藜普濟橋以通其行建普濟庵以鎮其崇人稱張普濟知縣熊開元紀其事勒石庵前並給善行于鄉額晚舉鄉飲大賓

施楨字瑞之富而好施崇禎十五年間歲凶饑楨出粟煮粥全活甚衆遠者貸以錢不能償者還其券當道皆優獎之

黃志立字凝所以諸生援例投布政司經歷崇禎十五年歲饑出粟百斛煮粥全活甚衆撫按題獎之

施大昌字夢湖與友施王陸四人均以貲開典舖被竊三人歷檢畢大昌次日至得五百金于他處蓋爲盜所匿未及取者三人不知也逮出四分之人服其義知縣

唐世涵旌其門曰義蹟可風

黃永爵字任庸幼遇相者決其無子壽止六旬遂矢志行善會有颶風覆舟急買舟救之死而復甦者十三人後遇相者驚嘆曰子陰鴟文起于面可享遐齡且得貴子矣後果登大壺子振鳳康熙十八年進士

楊先發字天英邑諸生請免蘆課竭歷數年或笑之曰此豈若一家事乎且費用不支事成誰爲債者事不成適以爲癡耳先發勿應卒以請獲免至今猶享其利焉黃汝通字仲達監生性豈弟好施與弟早世撫姪女如已出崇禎十四年大饑設粥廠廣賑多全活置義館義田多所成就親族賴以不匱者數十家子玉容食餼于

庠玉振由監生考授州同

王所珍字瑞五邑諸生崇禎十五年寇亂民饑所珍具呈當事請剔弊產充勦備賑乃勘革搶圩承價田七千二百六十畝增糧弊田八萬九千一百畝均授里排追籽充公公私兩利民咸快之

施明理字仲昭性豪俠好義少時隨父至吳時魏忠賢欲殺周順昌提騎下逮顏佩韋等五人奮臂猝殺之明理目擊其事語父曰恨我少不能助五人也父掩其口曰孺子無妄言然心甚奇之及壯益爲俠嘗因博一日獲百餘金時大祲餓殍載路明理悉以金置櫜硃之晚始折節讀書生五子俱成名庠序伯子達中康熙五年

武科卒年九十二舉鄉飲賓

施之美字濟伯弱冠食餼父爲仇陷獄死與弟之炳密
擒仇至靈前剗肉瀝血以祭兄弟赴獄爭死當事義之
竟不抵罪 鼎革後杜門著述年九十一終有朋壽堂

集

袁雲芝張溥門人遂爲州庠生後從沈廷揚遊廷揚死
節金陵雲芝護其眷屬奔南東奔仙霞又奔興化踉蹌
徒步卒保全之有古義士風

黃中立字柱所廩生常以母施氏被劫死痛不欲生盜
窺通州勢家中立微服偕捕役跡得之斃于獄通國稱
孝誨幼弟志立道立皆爲諸生

正義卷之三
劉卿字元輔幼孤貧奉母孝母病泣禱于神願以身代母夜夢神謂曰爾子孝爾得不死矣病竟瘳事兄亦謹有所行胥稟命焉

樊正道字公路幼孤事母至孝居鄉多善行與鄉飲邑令旌其門曰孝義可風同時有周遷岐字心逸亦以孝聞享年八十有三授冠帶

陸相字思誠性孝父訓被誣入獄相冒死自冤代笞幾斃母沈氏疽發割肉補患處立愈與弟臣共養七十餘載無間言

唐應魁崇禎時人事嗣母及本生母俱曲盡子道邑中有唐孝子之稱親鄰上其事知縣陸一鵬詳請給冠帶

一家咸享大壽子孫繁衍人皆謂孝感所致

國朝

宋室耀字世輝國初海寇侵掠條陳禦盜方畧當事韙之年八十與朱國璋陳廷聘皆舉鄉飲介賓

蔡汝璋字仲峩順治初邑諸生性慈厚好施與事繼母以孝聞有貧而鬻身者傾囊以贍更撫養焉一夕盜入其室潛覺善言開諭更贈金帛盜悔過爲良民知縣朱衣點旌之

沈秀字陞彩與鄉飲建橋蠲賑當事者咸給匾旌之宋希聖性醇茂樂善不倦爲鄉里所推順治五年與鄉飲巡按金某給善人匾年八十九子九人孫二十七人

俱孝弟力田同時有施裕忠字思賢陸明儒字在茲劉
邦宰字敬暘施時化字雨沾俱以好義享高年與鄉飲
施時燦字紫湘監生順治十年張名振犯崇明知縣陳
慎設法救援時燦助米四千石以飽士卒并戮力死守
當事咸獎勵之

楊廷翰字陞勑世業儒順治中張名振等屢行劫殺爲
邑大患嘗執諸生王拱辰等百餘人索賄老幼哀號聲
振海上廷翰悉出其家費贖焉衆得歸時總兵王燦貪
汚好殺指難民爲寇謀不得貨卽殺之民情惶駭廷翰
至省哭請于制軍白其狀乃傳示海疆將吏不敢肆而
燦銜廷翰刺骨必欲置之死會說僞官俞揆童相等納

欵總督以爲能畱麾下乃得免廷翰子四人元令元詔
元發元默皆倜儻好義有父風

郁尙志字宣卿邑諸生崇明地丁額糧從石起科而徭
役則從畝編派順治十年張名振盤踞平洋沙邑中塗
蕩盡爲棄壤徭役之徵如舊民苦不堪尙志具呈大吏
得以照糧均派民困稍甦

沈允璵字仲玉監生順治十年張名振犯崇明助餉銀
五千兩知縣陳慎詳請會題旌之

何楫字俊儒監生順治十二年隨父允清遊閩中途父
病卒時楫囊橐蕭然無以爲殮乃行乞號慟屢絕路人
爲之泣下醵金助之得扶櫬歸順治十六年寇亂楫兄

其俊負母楊氏奔避遇賊欲劫以去其俊乞免賊曰免爾爾母不得生其俊力求死乃被殺母獲全時人名其里曰雙孝里

張隆純元敏曾孫秉性孝友鄉黨無間言族人有無禮于其父者將不獲已而訟隆純泣請于父曰若雖不肖亦祖宗裔也其人聞而感服敦睦逾于前劉某不知其名籍嘗仕于浙鼎革後流寓于崇困甚顧耿介不妄取惟隆純與善周之終其身劉歿葬之近祖塋俾子孫世奉祭祀至今不廢

石蘊奇本鋸工性至孝母沈氏多病蘊奇先後六割其股人無知者及母死母族匪人誣以不孝控于縣知縣

訊時見刀瘢纍纍因詢之得其實乃懲匪人而褒蘊竒
薛瑩母劉氏病篤醫莫能效乃刺指血書疏願天而愈
黃煒字昭融諸生順治十一年父居純渡海爲賊首王
惠卿等迫陷溺死有從僕善泅以衣帶繫尸負歸煒方
十餘齡誓不共戴天與叔甘節兄燈百計賺賊得之手
磔三賊刲心以祭闔邑偉之性好風雅尤工二王書法
有墨池筆塚勒虎邱山後甘節字子素入嘉定籍補諸
生煒子廷祿字延之性恬淡以輸粟煮賑議叙州同不
赴孫兆彭字商賢歲貢生性至孝父疾篤割股以療
施堅和字濟卿邑諸生嘗刲股療親疾捐金修普濟橋
西北街旁建壽星庵俾行人休息至今稱便

周拱斗字杏泉善岐黃術貧者施之以藥更給錢米遇宗黨間施恩尤厚子國翰字匡儒性孝親有疾割股療之又廣任卹施與不倦以孫玉甲得贈玉甲自有傳曾孫大受字天百少穎敏十三爲邑諸生旋入貢事祖母孝康熙五十九年赴鄉試訛聞祖母病試未畢倉皇歸里主司亟賞其首二場已中因無三場被黜後遂不復進取

黃居宰字子衡長厚端方里中有王彥方之稱與同時王之璣皆與鄉飲

樊應隆字麗明邑增生其父爲縣丞黃某陷于法死之遺命報仇應隆涕泣受命日伺于途遇之執赴靈前以

鐵鎚碎其首仇立斃就獄請死縣尹憐其志將未減而
通判龔某怒其挺直竟以仇殺論康熙二十八年庠生
公舉其孝知縣朱衣點爲文祭之表其廬曰捐身繼志
子岳英年十三應隆旣陷獄家甚貧百計奉養納饋橐
始終無倦父死岳英乃長齋事佛嘗于客邸有同寓者
夜半聞母訃倉卒下樓遺金一囊岳英拾得之封識以
俟某果倉皇至岳英還之失金者欲分半以酬弗受年
九十餘終

顧亨字會嘉邑諸生幼失怙兩兄亦早亡亨善體母心
虔事二嫂教育二孤姪皆入泮有五子長志溥中康熙
十一年副榜

吳震先字漢章性愷直輕財仗義鄉中有爭鬭者得震先一言輒解有薛姓者良家子也逋官租無償將鬻女震先聞之急出貲代贖令擇偶而配之姻姪有貧乏告于震先未嘗稍吝每對人曰某生平無善惟見人在急難中必匍匐往救之縱不能濟竭我力而已課子尤嚴長子標進士次楷舉人別有傳年七十七舉鄉飲大賓施光烈字晉錫邑諸生母陸氏早亡父昌時續娶光烈或不得于母卽與妻陳氏長跪請罪待母悅而後起母爲之感動父母歿喪葬皆竭力經營不言勞瘁子威遠

康熙十四年武舉

施邦彩字瑞明康熙六年海禁嚴密惟營中設馬船專

渡他舟卽以盜論崇邑環水民幾絕命邦彩遍控行臺
題造劙船二十至今賴之

吳某失其名兄弟四人少皆爲父所鬻爲人奴及長咸
能自立贍身娶婦遂卜居于縣治之西營利以養親列
肆五間肆分左右中一爲出入所四子養父母始儻輪
膳子若媳曰親老矣必歷三月方得侍顏色太疎復儻
每月一家則又曰親老矣歷三日後方得侍顏色亦疎
乃以一餐爲率如早餐伯則午餐仲晚餐叔明日早餐
季若逢五及十則四子共設饌于中堂父母南向坐東
則四子及諸孫輩西則四媳及諸孫媳輩分昭穆坐定
以次稱觴獻壽率以爲常老人飲食之所後置一樹櫈

中置錢若干老人每食畢反手于櫈中隨意取錢買果餅啖之錢盡則又置之老人間遊或博奕或樗蒲四子知其所往密遣人持錢置所遊家并囑輸錢于老人老人喜輒踴躍持錢歸不知其故也亦率以爲常老人九十有九婦亦九十有七其長子年七十七歲餘皆頌白孫與曾孫共二十餘人提督劉兆麒以聯表其門曰百齡夫婦齊眉五世兒孫繞膝時嘉定知縣陸隴其聞之作傳紀其事

沈元芳字仁卿邑諸生父母病篤嘗兩刲股以療之弟允芳患癱視檢湯藥不離左右者四十日後因弟病廢業以已所置田宅分給焉鄉黨熏其德者甚多

張聖授字受一縣學生嘗于旅館失金館人隸戎行懼聞於大帥夫婦相對泣聖授遣慰若無事然家有海艘令盛某主之盛以風故匿舟中資三百餘金其黨以實訟於官聖授弗問且兩解之康熙二十四年海潮災聖授殫力救贍知府陳鵬年旌之晚年課子姪尤嚴以弟聖教早失怙督之力學中四十一年舉人後聖教亡哀感不已喪葬獨任之舉鄉飲大賓卒年六十三以子濟贈中書舍人濟自有傳

樊聖傳字曾一邑庠生幼有異稟年十二府試郡守陳鵬年奇其才告之學政由是知名家世孝謹篤于倫紀聖傳夙稟義方動止必飭父歿哀毀盡禮撫二弟及姪

以至性相感咸自修飭迄于成名雍正十年歲大祲同族百口皆待舉火無失所者又旁及鄰里力不繼則稱貸益之後每遇歲祲以爲常精岐黃貧無力者助藥資全活不可勝計卒年六十有四

黃璵字曙修性至孝母病刲股以療之果愈尤樂施與鄉黨稱之

施之燧邑增生性輕財好義歲荒賑粥全活甚衆嘗買妾詢知其有夫卽焚券遣歸之更贈以銀米年八十有七舉鄉飲賓

樊耀邦字闇如善屬文尤尚氣節自念爲先賢後嗣志行不爲苟同知縣朱衣點修邑志耀邦獨肩其任衣點

偉之稿成付梓後以其中有觸犯語縣令毀其版然事之賴以存者十八九年矣邑向爲小學生員數少耀邦力陳當事題准數視中縣而鼓篋之風益盛卒年七十一餘

施字亨字元嘉邑庠生事繼母以孝聞友愛異母弟富而好客戶外屢常滿每徵租常歉于額曰少取幾許多取幾年人以爲名言康熙間縣令龔榜舉鄉飲介賓卒年六十八子鳴玕鳴璠何牧別有傳何牧孫大本字守事少失怙哀毀逾禮母遘危疾刺指血願天祐以身代妹早寡無子迎養終其身延師課嗣甥如已出好獎勸後學貧無力者傾貲助之生平無他嗜積學敦行其天

性也卒年七十有七

黃安國字先齊偉身修髯德器凝重諸生時聲望已傾其鄉康熙十六年舉人值崇明知縣誤銷運將被劾安國白其賢事乃寢崇明知糧額以漲補坍時有坍未報除而增新漲溢額三千一百餘頃巡撫將奏徵將粒闔邑恐安國竭力申析得豁免部檄趣遷辭不赴晚舉鄉飲年八十六子家讓申皆別有傳

楊掄字書升康熙二十一年父世璋被賊掠囚逼勒取贖掄盡變家產得二千兩贖回奉養乾隆十二年布政使劉鼎給屬嘉之

顧德祖字漢珍邑諸生性孝生平樂善好施遇歲饑爲

粥以賑又造橋梁以濟行旅其子亦克孝知縣朱衣點旌其門曰耕讀教家與徐國宰字茂先費良相字仲侯施善元字德初皆舉鄉飲介賓

張堯年字協和隆純子淳謹敦厚終身不見喜慍之色篤于倫理年逾七十每家祭及生辰飲泣竟日嗣爲伯後遺產悉以予妹嘗徵租于鄉歲故豐佃輒形其窘或告刈穫之歉空囊而歸人笑其爲所給不問也兢兢以讀書積善訓子孫曰讀書不必聞達但求明理積善不求獲報但藉寡過人以爲名言

施鳴玕字雖客邑諸生爲人慷慨見義必爲邑舊制地丁徭役逐一徵催擾民特甚鳴玕遍呈當事併入地丁直隸太倉州志

一條鞭民甚德之

陸允良字辰臣邑諸生事親以養志聞操履不苟顰笑必飭時人稱爲陸夫子

袁心友字韓枝邑增生天性孝友父終彩遭危症藥莫能療心友剗股以進旋獲瘳常夜讀書家有乳母潛挑之心友正色堅拒赴江陰應試居停主人女奔焉駭而遣之不聽遂露坐達旦女慙而去子四皆有父風鈞字掌衡性孝友母病八載鈞日夕侍左右知縣曹鐸嗣有政聲辦公虧帑被劾大吏檄行山東籍其家無可償乃拘其孫汝霖于獄初心友于曹解任時厚卹之至是鈞遂保汝霖出延至家且令讀書凡閱五稔更設法謁後

縣宰率先勸捐竟償虧項貲送歸里汝霖旋亦遊庠人稱其德鈞曰此先人意也銑別有傳

黃雲峰字東崕振鳳子附貢生學行醇謹歲饑助賑傾囊不吝知縣張文英給惠及桑梓額

施國治字殿良增監生性孝友父駿臣移居虎邱竭力往奉甘旨父歿營葬堪輿家止之云將有不利于子國治毅然曰苟先人魂魄得所他何慮焉叔早亡事孀婦如母弟國安夫婦皆夭亦葬之年八十一卒

陸晉公字又裴年十六喪父敬承母教讀書見大義以事母不求聞達性好施與有請必應康熙三十五年潮災作糜以活飢民或不敷以米與錢給之四十四年大

風傷穀明年長沙大飢昇錢往散之存活尤衆母歿哀毀逾常子允斌別有傳

黃宗發字定功邑諸生康熙三十五年潮災呈請設賑學宮圯倡修葺之又率弟治功子錫三纂修家乘宗黨稱焉

施錦字闇文邑學生以貲授州同父培舉鄉飲介賓年登耄耋錦侍養數十載如一日爲人恭儉好任恤建施家高橋洪等橋施棺槥撫孤寡遇歲荒尤不憚費壽至八十六子堯時字長年監生勇于爲善康熙三十五四十六兩年邑大災竭力捐賑能繼祖父志詹事張鵬翀有施氏三代合傳

施震汾字翼堂邑學生康熙四十一年例貢捐修學舍
贊造育嬰堂潮災助賑蠲租稱貸者皆焚其券遠近稱
善士焉

施毅字仔肩邑諸生幼遭寇警偕兩兄避亂其父手授
周易佩服之勿忘素具幹濟才邑有大事發一言立剖
親友有急難告之無弗應者歲或歉必酌蠲其租康熙
四十四年大祲設廠于太平沙賑粥一月明倫堂圯捐
資修建飛虹橋長七十餘步行人便之次子大智康
熙五十年舉人贈徵仕郎

黃家讓字堯客邑諸生性孝友幼嗣世父安國爲後後
安國生申家讓幼愛如同胞外舅林某貧老無子家讓

爲終養立後等所後子復瞽賴以存活並葬其兩世康熙四十五年盛士奇等以豪強起科侵佔民業將叩閭家讓曰此義舉也傾囊助之得均撥如舊大弊永除施鍾字大受邑學生性沈毅有爲潮漲明倫堂圯與兄毅捐金建造又創立育嬰堂助乳母食煮粥賑飢建橋施絮歲被火災按戶給錢邑人德之

徐旦齡字顯承康熙四十七年舉人以貧就教遇桑梓利害知無不言邑有釐課于地丁外另徵里民苦之旦齡言于巡撫張伯行令併入一條鞭永免科派人頌德焉

倪用奇字漢六性好施與康熙五十年後再捐田助育

嬰堂人頌其德季子士純字顯周監生幼慧工文以養
老親不求進取生平周急無少吝尊師重道曲成後學
孫爲炳乾隆四十五年順天舉人官知縣有某貸不償
疾革命檢券焚之

袁嗣昭字又韜邑學生富而好禮嘗煮粥濟飢造橋利
行公建育嬰堂有賣身救父者焚券遣歸以全其孝康
熙五十七年以例授高郵州學訓導未幾謝病歸士子
刻石志去思焉

倪灝字停瀾監生性敦樸不事浮飾鄰里有困乏時周
之嘗捐米賑濟當事旌之

張必華字彥斌幼茹素終身不娶家有餘財輒供施棺

造橋修廟之用壽安寺傾圯捐貲葺之凡借貸不能償者還其券無德色撫兄子甚厚年六十餘無疾而終黃安邦字先誠邑諸生性仁孝幼孤母病癱瘓親視湯藥三年未嘗解帶嘗渡海見有覆溺者出財命舟人救之活八人康熙三十五年潮災設粥厰于丁家橋日食數千人值橋壞捐資修之并建三江口橋雍正元年年八十有二賜八品頂帶

宋藩歲貢生力行善事所識有貧不能妻者藩爲完其婚鄰人鬻女以貲代贖之總兵陳天培知縣張文英皆給匾獎焉

宋成業字巍功廩貢生慷慨重然諾爲善不求人知雍

正元年歲荒歉捐米助賑民得療飢

施樂字立之歲貢生父病卧六年湯藥必親晨昏無間衣巾溺器不假手婢僕先是崇明以小縣歲取生員十六名樂以人文日盛請于大吏得廣額視中縣學舍傾圮出貲重建雍正二年舉孝廉方正知縣張文英以樂名應總督查弼納亦聞其名徵不赴給儒林矜式額乾隆元年復舉孝廉方正知縣亦以樂應又固辭卒年六十一子四長繩武浙江運判署錢塘縣事次嗣武歸德府通判

祝大中字添壽監生謙謹樂施與周卹貧乏未嘗有德色雍正二年潮災首捐千金作糜食飢者存活甚衆先

是食將盡聞總督已撥銀助賑知縣恐不可卽得大中請往迎之策馬丹陽道上數墮雪中巡撫張楷給額旌之其子景南景孫萬年皆以歲祲煮賑爲當事所旌沈文淵字又韓諸生幼失怙恃孺慕終身墓在宅南數百步每旦必往禮焉待弟姪克盡友愛子樸字立誠能肖父風尤精于春秋于先儒傳註外別有發明

施璋字含玉府學生家富于財雍正二年歲饑捐貲以煮賑總兵陳天培知縣張文英俱獎之弟浩字士宜例貢生性甘淡薄嘗誠其家人曰儉者美德爾曹母以口腹故致耗物力雍正二年與璋偕出貲以濟貧乏柏萃字聚三邑學生少孤事母至孝初任俠嘗過沙村

遇老嫗泣于途言女爲匪人所掠度行未遠萃持杖馳數里奪而歸之雍正二年秋預稔有水患儲糗糧備木筏及海潮奔決居民漂沒乃悉渡溺者至宅別男女給衣食安之常熟陶正靖紀其事以子謙貴封文林郎翰

林院編修

梅秀祿字君祥雍正二年潮災瘞埋溺死者捐貲賑飢知府蔡永清總兵陳天培知縣張文英俱給匾以獎

楊鴻烈字公韜性正直勇于爲善有從母早寡家貧子一鴻烈爲之婚娶里有林姓者被冤鴻烈以計脫其訟鄰某病且貧鬻子爲醫藥費後以恩子病轉劇鴻烈設法贖之遇事侃侃不爲苟同人服其剛正改呼公韜爲

公道焉年八十一子遇春別有傳

楊澧字詩愚邑廩生詩文字畫皆躋古人堂奧爲人樂易對之如坐春風而孝友尤其天性嘗念父純祠像在湖南永明襍被走三千里比至燬于火與邑父老謀重建落成而返兄濂早世未葬爲營兆于鹿山兄子樽幼孤訓之讀書俾承先業年五十有六卒

張熾昌字履祥歲貢生爲人篤實有至性少孤居貧力學事祖父母及孀母俱以孝聞後卜葬三世泣涕語家人曰我何力購尺土我庭前一畝地卽是矣堪與家慮于陽宅不安曰我朝夕省親如事生先靈安矣外此復何慮乎人服其卓識卒年六十一

倪因白字賦天早歲遊庠朝夕色養廁喻必親洎居喪哀毀逾禮少受業邑名士顧炳元之門顧卒于吳下因白馳視含殮卜地葬之子爲賢爲英俱積學敦行有聲贊序爲賢以授貢任湖南益陽令因白往就養焉年七

十一卒

施汝實字天木邑庠生父佑邃于經學爲名諸生家中落簞瓢宴如汝實幼稟義方兄弟相勗俱克束修砥礪早喪父母負土營兆穴弟亡遺孤孱弱飲食教誨之兄子逐什一稍裕請分任勿許曰是孤寡所安也生平不立崖岸然亦不因人熱年七十三卒

郁泰開字彙征至性過人父瀾病危割左臂肉和藥療

之後母遭疾又剗右臂肉以進父母皆獲高年

張王訓字在文性篤孝父煥邑庠生常遠遊以數畝爲
王訓耕讀地母胡氏憐其貧王訓曰無慮是穠是葵雖
有饑餓必有豐年曲意慰親雍正十年七月風潮作王
訓扶老母幼弟升木母以力弱墮水王訓隨泅而入負

母踏浪見者曰母子不能兩全盍自救王訓不聽望見

小舟達來欲往赴之力盡而歿閱五日屍浮于宅之南

岸母子相抱面如生

按先一日王訓有漢兄詩曰驚回
好夢恨鳴雞清曉披衣啟竹扉露

滴滿庭雲慘淡天垂四野月依稀隔溪古寺傳清磬近
岸漁燈漏翠微迴首故園何處是雁行中斷不羣飛蓋

古識

黃道隆字泰占監生幼孤父玉振遺業鉅萬同族侵之

云

家人訟于官族人悉逮獄道隆年十二慨然曰彼固不才子顧自高曾以下誰非一本何忍操同室戈遽詣縣請釋不復求償十五始攻書嘗讀禮至孔子少孤不知其墓輒流涕嗚咽終日不食長益嗜學耽吟咏爲人嚴重尚氣節邑紳士莫不敬禮之妻吳氏亦工詩有士行生九子進三台廷元坦堅基垣堂挺進任遂安協副將垣登乾隆十九年進士餘皆諸生有聲贊序

施德字念祖監生性孝友尤敦任卹祖塋逼于海德獨力改葬族有貧者周之勿倦嘗過剝河遇孤客告窘德傾囊以贈又典衣益之不告以名每歲飢必盡力助賑事生母尤孝一日在吳門心忽動未及歸而訃至德匍

歸里雪夜渡海撫棺大慟氣絕者再勉終葬事而亡妻黃氏亦以節孝稱

顧裕成農家子其父子常居小肆以索逋嘗詬人裕成潛詣逋家謝且出錢償之冀不傷父意里中皆弭怨子常後妻有癲疾裕成事之甚謹父置妾日相詬諱因攜居于外未幾父卒妾亦亡裕成葬之以禮曰父所愛也後母病劇裕成侍湯藥三月不解帶妻黃氏亦克相夫以成其孝

黃夢鶴字慶長母鄒氏早亡痛不欲生恐傷父心輒避之泣及父遘危疾湯藥必親嘗歷三月足未嘗踰戶限夫婦虔禱北辰丐以身代疾獲瘳當事旌之

施英彥字茂升監生性孝友母歿哀毀骨立茹素三年所居湫隘旁有隙地將構屋適赴金陵及歸向之隙地已爲弟占親族咸不平請理而毀之彥不聽怡怡如故有三子長名法早卒次相次涵皆廩生

袁邦彩字繼三學生性孝友兄嗣昌爲逃奴寃累羈禁邦彩願于上經年寃乃雪邑中賑粥造橋修學宮置義塚悉捐資協助年七十三卒

施鳴璠字韜魯監生少孤事母孝母病刲股進之且丐以身代未幾母甦曰吾不死神謂吾有孝子賜壽一紀果以十二年後亡兄霍生析箸後家道中落鳴璠延其居如初祖塋濱于海幾至坍歿鳴璠改葬且置田以備

祀清河人張某老不能歸鳴璠延至家與之金張泣曰
感君盛德奈無家何鳴璠遂養之終身有朱姓者售田
與鳴璠歲盡將藉以求貸家人曰田久沒于海朱慚而
退鳴璠急招而與之金其忼慨好義類如此知縣汪文
舉孝廉方正力辭不就

黃鶴字聲洪例貢生先是鶴父世名例授中書舍人不
仕鶴承父志澹于進取父歿奉母惟謹撫幼弟成立居
鄉敦任恤誼每遇災祲領囊弗惜

吳浩字心洽乾隆元年武舉第一揀選一等以衛守備
用至性過人母張氏晚年得疾症浩三載侍湯藥目不
交睫沒後歲時伏牘時有涕痕年七十餘卒

倪元字備恪早喪父事母甚謹三弟永和萬和俱幼元飲教誨有過輒流涕道之後永和遊庠萬和亦能自立始以弟幼家產悉元經理頗慨招遜請弟授室後均分無私人咸服其孝義

劉觀頤字期百邑庠生父萃乾爲涇縣訓導觀頤畱主家政母施氏遘危疾醫欲知便之甘鹹觀頤嘗以告購藥長途咯血不爲止前母胡氏柩歿于潮觀頤涕泣走泥濘不顧滅頂卒得之叢葦中後公車過黃河夢胡氏止勿渡竟免于難撫弟觀我觀成迄子成名觀我別有傳觀成字通文邑庠生文行兼飭子涇香邑廩生有志行工書畫尤工詩父疾涇香每至夜分禮北斗願以身

代及卒哀毀幾不欲生遂淡于進取中表某歲暮病子客館延至家稱貸以奉參苓及卒躬爲殯殮子曾慶字敬餘孝友篤摯爲諸生淹貫經史因父病精醫理矢志濟人年三十八抱疾卒士林惜之

張印字子立縣學生里有孀婦印月給米食之俾得守志歲饑有鬻女爲婢者出金以贖知縣遲惟執旌以額曰望重膠庠

沈世煥字公章少孤篤于孺慕設位朝夕奉之課子讀書甚嚴尤敬禮師傅至老不少懈嘗勸人向善孜孜勉說發于至誠年七十卒生四子三以科第顯季遊庠早卒長子文鎬別有傳

黃大壯字履亭監生性孝父病疽刲股以進父愈秘不語人閱數十年大壯歿弟大益啟視其創爲之愴惋大壯兄大有早逝嫂袁氏奔喪守節姑難之大壯曰嫂能完貞兄不死矣奈何阻其志後大壯以長子嗣袁邀旌表父墓生五色芝人以爲孝感云

施震聲字元掄附監生性慎重能任事乾隆四年修葺學宮邑令委之總理倡捐經費終始不懈十四年復修亦如之二十年歲大祲邑令勸捐煮賑震聲傾貲樂輸全活者多子孫出仕每馳書訓飭官箴使爲清白吏周鄉親族多藉以舉火者以子成德封奉政大夫卒年七

戴升字堯天邑庠生有至性父歿時升纔五齡累日哀號不食親戚異之稍長事母每事承顏務悅其意常攤書于母機之側且吟且誦不忍頃刻離也常歎曰古人一日養不以三公易菽水可樂何必捧檄耶時得甘旨奉母并設父位以薦之母歿哀毀骨立作慈幃十憶詩讀者無不流涕

張師載字亦渠乾隆六年舉人天性真摯嫡母瞽兄奉養備至爲人不苟言笑訓生徒以實學人咸愛慕之卒年三十六臨歿囑曰家貧親老菽水惟艱母厚我棺以重我過言訖而逝

張棠字萼千性嚴毅剛介嘗言吾心卽吾師不欺二字

終身行之不盡事寡嫂如母撫孤姪成立設文會造就
英雋親爲訓解遠近後進奉如嚴師有談某寄錢若干
緝久不取索且朽旣知談死無後以其錢作佛事償之
嘗送子弟試見匿名書于衢急揭而毀之同行者曰何
不覽之曰此必穠人名節語見之雖不言已有此事于
胸矣其他行事類如此卒年七十六

徐傳道字貫一孝奉二親以色養著兄早卒敬事孀嫂
如兄家庭無間言生平爲善不求名暇則杜門研玩經
史子一鳴乾隆二十五年舉人任桃源敎諭

郁學性醇謹見義必爲乾隆十二年海溢爲災遺骸漂
露學捐貲瘞埋無主棺六十三知縣遲惟執申明大吏

給額曰敦行可師

張永智字用明素好善乾隆十七年米價昂貴永智請于知縣王緯許在家開廠照時減糴子舜年協理悉當緯以同心慕義額旌之年八十餘舉鄉飲賓

祝愷字廣淵慷慨好義有資不能葬者愷代謀窀穸無德色乾隆二十年歲大祲愷捐米一千三百餘石活者萬餘巡撫莊有恭給額旌之旋以卜先人葬地往來暑中致疾而歿

施錫字冀菴十五爲縣學生性孝友有大度乾隆二十二年潮災設粥賑飢存活甚衆春旱復捐穀數百石邑有蘆課力求當事并徵闈邑得免滋擾以子灝登官揚

州府學教授贈如其官瀛登于汝楠字杏村親疾侍湯藥累月弗倦及居喪勺水不入口者數日茹素啣哀未嘗見齒子六人俱有父風

宋守約字道存例貢生幼失怙哀毀逾禮性好施乾隆二十一年歲饑賑粥捐米八十石母沈氏衰年久卧床蓐侍奉湯藥四載不懈卒年八十有七

胡綯字蘊彩幼失怙恃依兩叔勵志讀書會叔年老家貧不得已遂爲生廡計事叔極周至雖貧乏不廢甘旨叔卒遺三女俱竭貲以嫁又爲叔安厝善地歲大祲道殣相望綯亦窘迫減食以食餓者遇無歸者殯之晚年好善彌篤與人言果報娓娓不倦人稱胡佛子

宮廣字萬仞太學生性孝友父亡哀毀骨立母久卧病割股食之廣素善貿易時與同夥往蘇置貨船漏貨壞同夥怒將鳴之官舟子大窘欲賣女以償廣慰之曰無庸乃以二百餘金償同夥而已貨置勿問

黃秀元字耀廷性敦茂好濟人乾隆三十六年渡海見覆舟出資援溺活十一人晚益好善訓子某食餼于庠有造其廬者必整衣冠出見殷勤杯杓迨夜半無倦容人以此多之

黃中瓊字徵錄乾隆五十一年舉人少孤奉母訓逮子成立事兄恭兄亦友愛外王父無子遵母志葬之春秋必躬祭掃後母病動止需人瓊衣不解帶晨夕侍左右

母卧疾三年未嘗知床蓐之苦也嗜讀書尤精輿地之學

施王鳳字振岐庠生性耿介敝衣茹食宴處終身初王鳳妻病篤入城市藥拾得遺金三十兩自辰至午僕失者至而還之不受謝亦不言其姓氏及歸病者亦弗藥有喜矣王鳳年八十卒弟鳴鳳字天池亦能文

董鉉字漢醇爲人沈靜端謹先世以孝友傳家鉉自幼講守身事親之義宗族鄉黨無間言

直隸太倉州志卷三十四終

直隸太倉州志卷三十五

人物

文學

太倉州

宋

龔昱字立道明之子少遊御史李衡之門貧能自樂鄉

人稱爲龔山長

按宋史李衡傳衡江都人孝宗時除侍御史請老致仕後徙居崑山著萬

卷號日樂菴年七十五卒是昱之從

當在此時蓋淳熙紹熙年間人也

王夢聲字應甫至元間任崑山縣學正因家湖川塘時

兵燹學宮廢夢聲出私財修治號曰古川先生

按張采志云古川卽王忬始祖湖川故州地其子姓蕃衍皆州人卽支

分見山汎應科舉必籍湖州屬指農江舊族未有先鄉鄧

之者

者舊志不載今
從崑山志增入

陸仁字良貴明經好古以詩名於時所著如佛郎進天
馬頌水仙廟迎神送神辭度黃河望神京諸篇爲世傳
誦復工字學楷草皆矜貴所居曰乾乾齋祀鄉賢祠按
采志云舊志言仁故太倉人自稱河南乃陸姓郡名

馬麐字公振元季避兵松江之南所居園池亭榭極幽
雅日誦經史其中性不事修飾樂與賢士大夫交客至
觴詠與世泊如楊維楨重之稱爲忘年友

郭翼字義仲少從衛培遊修學好古工詩尤嗜易楊維
楨稱其文並西京李孝光謂義仲別有詩理負志意欲
出干時度不能用歸耕婁上老得官訓導以介繫與時

號東郭生又號野翁盧熊題其墓曰遷善先生

陳寶生字彥廉詩文好作怪體兼繪事父恩恭商於閩

渤海死母莊氏攜寶生歸撫育成名士與黃公望善公

望嘗詣海上觀濤每拉寶生則泣曰陽侯吾父讐恨不

能如精衛填木石何忍觀之因作讐海賦紀其事

按張采志

引舊志云孫天富字維善陳寶生字彥廉晚居大倉好行義初皆泉州人寶生父死天富憫其孤幼相結稱兄弟時共商海外諸國迭留養母所涉去中國數千萬里凡十易寒暑彼此無豪爽私外國稱泉州兩義士

俞日強字伯莊其先福之古田人父與可號藍溪先生爲武夷書院山長來居太倉日強篤學熟于經史奉母以孝聞晚稱淵默叟

盛或字季文元末以貲著爲賦累徙歸吳岡環堵蕭然

日與楊維楨鄭東鄭明李還張遜秦約盛景年文質陳善陸仁陸琬岳桂周暹張恕仲天爵虞模俞詮諸名士倡和歷艱阻不改

〔明〕

袁華字子英少穎悟不羣讀書過目成誦號該博善詩章尤長樂府與顧阿瑛友善家藏書畫悉經品題所著可傳集楊維楨序之曰吾鐵門稱能詩者南北凡百餘人求如張憲及袁華輩者不能十人洪武初爲郡學訓

尊奉祀鄉賢祠

史謹字公謹博學好古工詩畫洪武初戍雲南後以翰林學士王景萼授應天府推官左遷湘陰丞尋罷僑居

金陵號吳門野樊孫鑑字元昭詩畫有祖風宏治初歸太倉

張恕字以行詩格近西崑洪武初以才德徵入見試春山新水詩立就稱旨賜綵衣一襲除北平盧龍知縣三年以老病歸

顧愚字原魯學宗濂洛四十餘年不出門戶徧覽經史百家一几當臂處凭跡宛然父仲庸病癱垂絕吮復甦永樂時歲饑出米三百石以賑卒祀鄉賢祠

盧儒字爲已以薦授中書舍人能文工書法嘗被顧問一日命作雪賦信筆先諸人就甚工儒自負甚高或請文藁曰吾有腹藁耳有陳孟東者招飲入門見胡仲子

文一冊卽持讀之竟席不交客一語鄉顯官往候讀書閣中久不出子姪請至再遠曰爾何知彼讀何書來

王履字安道篤學有志行博極羣書隱居教授詩文皆精詣兼工畫法年五十餘攜其甥沈某西登華山留連累月作圖四十圖各有詩冠以記凡四自謂窮華山名勝古今一人尤精醫著述甚富卒祀鄉賢祠子伯承承永樂中亦以醫著張采志云接華山圖今藏鎮海衛指揮武氏家先是武氏所藏三十幅後復有以四幅售者武氏初擬其鷁及出所藏首尾適全神物離合如此

偶桓字武孟性度落拓嗜酒喜吟咏楊維楨倪瓈亟稱之洪武二十四年應秀才舉爲崇安從事授廣西桂林河泊大使終荆門州吏目致仕歸遇淮南故人蔣文用

隨至江寧僑居建安坊下放情觴詠久之乃還卒年八
十二每自題瞎牛偶桓緣昔谷楷目眇性嚴號瞎虎桓
亦眇目故以號也又號海翁家桃源涇築江南軒選乾
坤清氣集若干卷

傅鄭字次泉父翼閒吏事鄭去吏從盧觀遊觀愛其勤
妻以女洪武四年舉進士爲會稽丞

陳伸字延齡淹古學工文詞洪武間舉秀才爲茶運副
使改富陽丞自號怡雲老人

沈璵字孟溫洪武中坐累謫戍雲南金齒衛宣德初歸
省墳墓鄉人延以教子弟年幾六十日眚端坐辨說早
暮無間時學官西遷設兵衛儒術不能振璵至子弟受

其法始有源委後還雲南卒祀太倉鄉賢祠今學宮卽其受徒處

張師賢字希顏好古博雅善談論愛作樂府凡文士至太倉無不過訪推爲詩文之長顏所居室曰芝閣

陳符字原錫父繼善字從道居穿山蓄高貲克尙詩禮恐子孫黷貨刻平軒文示戒符能洗豪習耽學嘗從吳文度讀書吳山中文度歿葬祭如禮巡撫周忱擬薦以母老辭

金鎔字延振由歲貢選授浙江分水縣訓導爲人和坦遊心古學善教誨及門者多成人

費信字公曉太倉衛人永樂宣德間從中貴鄭和楊敏

使占城琉球等二十餘國紀其風土人物列序分詠名

星槎勝覽

查庸字若庸於六經孔孟語日夜深省有得輒書積三十年聯大綱數十卷所爲詩皆有理致由歲貢選浙江仁和縣訓導改除蕭山後轉河南孟津縣教諭適姜昂守郡雅重庸命署縣事固辭不許旣以疾致仕

胡鬯字友蘭通經史授徒里中弟承三歲失怙鬯撫教之備至鬯行方寡合盛暑未嘗去衣冠指授弟子各有規法如陸武張泰皆出其門

桑悅字民澤父琳字廷貴好學工詩性恬澹喜黃老術悅家貧無書從肆中鬻得讀過輒焚之敢爲大言以孟

子自况或問翰林文今爲誰曰虛無人部使者按水利
下邑悅前謁書刺江南才子使者駭已問知悅乃延校
書預刊落以試悅校至不屬卽索筆補之無悞者十九
舉鄉試再試禮部奇其文閱至道統論則曰夫子傳之
我縮舌曰必江南狂士桑悅斥不取三試得副榜年籍
誤二爲六遂除泰和訓導邱濬奇其爲人屬學使者善
遇之使者至見悅不迎顧問長吏豈有恙乎長吏皆衡
之曰無恙自負才名不屑謁耳乃使吏召悅曰連宵旦
雨淫傳舍圯守妻子亾暇何候若使者久不能待更兩
吏促悅益怒曰若真無耳卽使者能屈博士奈何屈桑
先生爲若期三日來使者欲遂收悅綠濬故不果三日

來見揖使者使者怒曰博士分不當得跪耶悅前日漢汲長孺長揖大將軍明公貴豈踰大將軍悅今去天下自謂明公不容悅將曷解因脫帽徑出使者乃下留之御史聞悅名數名問謂匡說詩解人頤子有是乎曰悅所談元妙何匡鼎敢望卽鼎在亦解人頤惟賜清燕御史壯之令坐講少休悅除襪跣足垢御史不能禁令出尋復薦之分典浙楚滇三省鄉試遷長沙府通判調柳州歲餘父喪歸服除遂不起居家益任誕褐衣楚製往來郡邑間初悅在京師見高麗使臣市本朝兩都賦無有以爲恥遂賦之時頗稱焉

龔持憲字行素州學生通詩春秋性耿介不能忍人過

嘗爲怨家所誣以貧惟嗜古學無所累晚應詔賜章服退隱南鄉著述以老

馬紹榮字宗勉常熟籍居穿山初爲周氏養子冒其姓善書天順六年順天舉人成化初授中書舍人直文淵閣嘗有急勅夜宣同僚盡醉紹榮獨簪筆上殿書麻稱旨陞驗封員外郎陳情復姓宏治初修憲宗實錄遷山東參議陞太常少卿官三十年以清謹稱居內閣最久與永嘉姜立綱齊名其陞少卿也立綱以出身布衣不得同陞紹榮請捐一階與之故紹榮得太常立綱得太僕朝論賢之卒賜祭葬墓在吳縣楞伽山

葉夢澐字尚進禮部侍郎盛孫徙婁江博洽敦孝友尤

刻厲藝文持論嚴正爲人所憚不愧家風早卒

朱來復字德初州學生持身嚴正嘗僦舍少女來奔正色拒之家故貧假居一椽周給兄弟精記問凡授解後學經傳皆能闇誦年五十三卒

曹泰字孟寅性剛敏少從太常少卿陸鉞遊宏治二年舉人六年會試中乙榜就分水訓導改確山嘗署縣事擢建寧教授未幾告歸卒泰爲僑官二十餘年潔苦自勵橐無長物怡然不爲意

桑介字子田瑾子鄉貢生初在南國子監陳十二策如祀周公完六經等議爲湛若水林文俊所賞謁選滋陽縣知縣著和陶詩十六卷與文徵仲賡吟集並行世

徐禎卿字昌國一作穀父寓郡城因補長洲縣學生少卽

與文璧唐寅相唱和宏治十八年成進士授大理寺評事會失囚降五經博士與大梁李夢陽何景明友善號三傑旣而習養生之術究心元虛王守仁在京都與言顯微寂感皆心也存心盡性順命而已奚爲趨避其間禎卿蹶然有省未幾疾作託友人以後事友人哭禎卿笑曰常事耳垂沒謂子伯虬曰墓誌其屬陽明以指畫伯虬掌作冥冥漠漠四字神志不亂卒年三十有三初禎卿爲進士時孝宗忽遣中使問禎卿與陸深名顧陸得庶吉士禎卿僅平進又早死用不竟守仁志之謂其學三變卒乃有志於道云伯虬字子久嘉靖四年舉人

亦能詩

金濂字懋光歲貢生授浙江象山縣訓導精史學作諸史會編發凡起例歷四十年始成

何璧字文徵宏治十七年舉人正德七年成進士總裁大學士費宏錄其文以爲士子程式出知開州未幾卒王梁字勝甫資敏力學少爲州學生衛指揮以缺伍勾補梁往京師疏奏御史王憲奇其文竟坐衛將罪梁靜坐讀書無間寒暑詩文援筆就知州倪宗正劉世龍咸器重之與賡咏以貢生謁選未仕卒

朱星字兆文州學生遂于易遠近師其學多宦顯振族黨之急不以已貧爲解子默見治行傳

張辰字伯達穎敏力學與弟寅相師友遂于易學正德八年舉于鄉四黜禮闈不肯就職以歿辰賦性坦直不爲依阿矯飾之態常懷用世志費案銘其墓曰有禮斯葩猗國之華胡屯于家矯矯冥翮墜于雲涯

陸寰號北沙精經術門人受指教多顯名早卒時張元蒙號屏野工易學與寰齊名以歲貢生老又有邵弁者字締元窮經學有師法學者多從問疑義兼精醫術亦以歲貢終

曹子念名昌先以字行更字以新應諸生試不售棄去習古文辭爲其舅王世貞所重海內人士登瑯琊門非介子念弗造世貞兄弟歿子念意不自得遷蘇州以卒

王夢周字堅吾錫爵從父州庠生能文好山水時學道駐宜興夢周往試遊二氿三洞間歸以其奇詫人萬歷十九年中舉人後謁選得宜興教諭六月旱祈雨回蹠而卒人謂夢周好宜興山水而卒於宜興倘亦所謂樂哉斯邱也

趙宦光字凡夫居璜溪祖沐舉鄉試第一成進士父樗生隱士宦光少入貲爲國子生豪華自喜中歲折節讀書廬居寒山親墓旁手開荒穢疏泉架壑儼如圖畫一時勝流爭造焉所著書數十種尤專精字學說文長箋其所獨解子均字靈均有志節從父傳六書之學又從燕山僧見林授大梵字并諸字母移日分夜父子自相

講習有寒山金石林時地考諸書其後人仍居璜溪至
曾孫松別有傳

沈承字君烈少負雋聲攻詩賦爲古文弱冠受知有司
及學使者試必高等性閒澹未嘗有干謁躊躇不肯造
人有笑癖與語輒笑又絕寡言無憾否人亦習之未四
十卒妻薄少君見列女傳

吳樅號龍橋博學能文後生多從受經義里中如黃元
勲葉汝華俱出其門與王錫爵交厚顧落落不相近錫
爵重其學常就見之年九十一卒

徐鳴臯字環中幼爲張振之所知弱冠中萬曆二十二
年舉人勵志求道謁顧憲成叩程門宗旨憲成甚器之

後爲青陽教諭訓諸生曰恒言必祝人爲科第我則願
諸生爲聖賢科第由天聖賢由我諸生服其教遷南京
國子監博士陞江西臨安同知有治績臺司重之以疾
去官鳴臯內行淳至篤于倫理其學與東林諸君子稱
同道然不欲緣之標榜嘗謂東林氣節不減東漢惜位
置太高非吾道之福家貧至不能具朝餚不介意默坐
一室編摩論列所著甚多臨歿授門人郎星碑星綿死
於兵書遂亡

王志長字平仲臨亨子志堅弟崇禎三年中副榜奉特
旨與甲榜同授官感夢而歸絕意仕進志長篤於經學
以易起家兼精三禮毛詩嘗刪周禮註疏采漢以後諸

儒之說翼之名曰註疏刪翼詩宗毛鄭又集諸家說詩以成書弟志慶字與遴少從兄學有家法時兩兄負高名志慶參起人稱王鳳三雛弱冠好詩歌作史論上下古人左氏班馬書及通鑑皆能上口天啟七年中鄉試志慶有書癖明潔窗几用翰墨必良晨夕手一編有常課兼玩花鳥罷書輒自灌水調食緝東郊先業曰丙園閒適其中每連月不歸兄弟孝友志堅後居郡與志長比屋終身相師友無間

陸文麟字益祥少補諸生能詩古文詞應歲貢讓其友旋以疾終弟文鳳字仲鳴與文麟同日爲庠生有二難之日萬歷三十七年拔貢生廷試第一授知縣工書法

著入洛草

吳升元字仲超奇敏強記通古今兼精歷學每預刻明年時節及日月食無誤者爲人沉默少言負一意終歲隱几讀書足不他及家貧取與極明或絕糧忍飢自如以歲貢生選無錫縣學訓導歿

朱明鎬字昭芑父廷璋官至參將明鎬十七補諸生性強記天資絕人張溥及張采讀其文願與之交爲舉藝極工會世變遂棄去明鎬每讀一書手自勘讐朱黃鈞貫上自年經月緯政因事革下至于方言物考音義章句無不通以訓詁參以稗家絲分縷析而後止論上下千百年若指諸掌嘗謂司馬班范三史攷覈尙未竟魏

晉以降貫穿詳洽所著書史異同新舊唐書異同二書先成其餘曰鈔月撮曰史典曰史幾曰史畧曰史風曰史遊曰史嘉曰史異曰史最曰史俳曰史鑒曰史粲曰史糾十有二種而史糾最爲可傳其論三國也謂陳壽有四闕不誌歷學不傳列女不搜高士不採家乘在史法宜增其論南北朝也謂蜀魏吳晉之志入于宋書梁陳齊周之志入于隋書在史法宜改唐書則歐陽主紀志及表宋主列傳一書之內自相矛盾宋仁宗命裴煜等五臣較勘不聞一言之釐正故修唐書者其病在分於宋史則孝宗本紀編年記事前後乖錯最爲不倫諸臣列傳詮次繆亂凡有七失蓋元順帝求成書之速不

三年而宋遼金三史告竣仰成于脫脫之手故修宋史者其病在易其舉正辨駁皆確鑿有當明鎬事親孝家貧資束脯奉母撫幼弟成立與人交推誠任素過義所不可則正色譙讓無少避其之江右以試事請者齋數百金叱之去吳中備兵道鈞致幕府不肯干以私所居席門環堵卒年四十六師友門人醵錢以歟會弔者數百人皆知名士

張泳字幼濤幼有才無錫馬世奇隨父希尹任訓導至州重泳與交貢入國學期滿授布政司理問遷宗人府經歷值弟溥以復社被糾乃歸崇禎九年復舉賢良方正不就泳爲文少喜恢博後修經術厭薄今人規模前

詰明于水利嘗獨力滯鹽鐵塘三舉鄉飲大賓

張深字徵侯輔之子以蔭入國子監中崇禎十二年副
榜十五年鄉試同考官吳鑄賞其文擬第一以策有謗
復中副車甲申後棄儒服讀書自若人罕見其面年七
十八卒深兼精楷法尤工淡墨蘭竹所著有清遠堂詩
集

費參字省公性孝友家貧老屋三五椽日光穿屋不蔽
風雨有田數畝歲澇饑粥不給然耿介一絲一粟不假
于人論者以爲古邴原徐稚之流陳瑚稱其詩律老而
益細子來字天來亦能詩

陸之箕字肖孫弟之裘字象孫容孫伸子之箕沈慈忠

信議論平正之褒似儻不羈以經濟自許慨然慕張子厚欲結客取洮西故事大同之變著論嘲柄國者以爲唾手可定頗爲里中兒所嗤弗恤也張寶輯州志之箕兄弟實贊成之旣累舉不第並以諸生充貢之箕以需次卒之裘終景寧教諭

闢景陽字伯子攻苦有介性萬歷十九年舉於鄉蕭然授徒不經世事出入踽踽徒步清操終其身

陳朝典字徵五以經學重鄉里學者稱溫如先生遭鼎革同子瑚僑寓蔚村嘗讀農經水利諸書謂古人代田之法一畝三畎深耕易耨歲可獲數十鍾又以尚湖巴城諸水挾淫潦泛濫勸父老築堤設防經畫指點悉有

成法瑚操一小舟販撻鬻苧往來湖村得錢市漁樵父
朝典作一二小詩好諱古來高人獨行隣里化之輒遣
子弟就學其有小小勤勉諺諱語搖手面赤曰恐使孝廉
父子知也年至七十餘卒

周維翰字申甫南州庠生湛深經術精練爭延爲子弟師
後學有疑質問不應猶欣然若無年七十三以歲貢生
終子綿存有孝行

陳君渥居張涇性端嚴言笑不苟博極羣書尤精于易
理著周易鈎元自謂得邵堯夫真傳

王鑑字圓照世貞曾孫由恩蔭歷部員外郎明季出知蘇州
府是時粵中盛開採鑑力請上臺得罷居二歲歸構室

於弇園故趾額曰染香年甫強仕屏絕聲色不異老僧
工畫遇名蹟考證精核吳偉業歌畫中九友之一也王
曾武贈鑑詩曰金谷此時忘宴集珠崖昔日罷徵求畫
推北苑仍宗伯家寄東陵是故侯鑑以爲知已年八十
卒遺命以黃冠道衣殮云

吳殳字修齡爲贅壻於崑山崇禎中補諸生尋被斥喜
博覽下至醫藥卜筮壬奇禽乙靡不精心於詩服膺常
熟馮班金壇賀裳二人合採其說成園爐詩話嘗取義
山無題諸詩詳說其意爲西崑發微又據吳偉業綏冠
紀畧爲撫膺錄晚年事佛兼好神仙聞江淮有異人往
從之聚金試爐火術不成猶不悔也年八十五卒詩曰

舒拂集

龔挺字無競州庠生博學能文耽詩著拙菴集

王化中字孟成嘉定學諸生博通經史尤精性理著有五經箋註又旁通內典楞伽維摩金剛涅槃諸經皆有註著存齋稿二十卷楊廷樞爲序